

十誦律卷第八

職八

姚秦三藏弗若多羅共三藏鳩摩羅什譯

第二誦之二

三十尼薩耆法之四

佛在舍婆提爾時跋難陀釋子共一賈客子
市巷中行見一肆上有好瓦鉢圓正可愛見

乙

已貪著語賈客子汝看是瓦鉢可愛圓正答
言實爾賈客兒言汝須是不答言欲得即便
買與跋難陀釋子得是鉢已出舍衛城入祇
洹中示諸比丘言諸長老汝等看是瓦鉢圓
正可愛諸比丘言實好汝何從得跋難陀向
諸比丘廣說是事諸比丘問汝先有所用鉢
不答言先有又言用此鉢爲答言先有今有
有何患是中有比丘少欲知足行頭陀聞是
事心不喜種種因緣呵責云何名比丘先有
所用鉢更乞新鉢種種呵已向佛廣說佛以
是事集比丘僧知而故問跋難陀釋子汝實
作是事不答言實作世尊佛以種種因緣呵

責云何名比丘先有所用鉢更乞新鉢種種
因緣呵已語諸比丘以十利故與諸比丘結
戒從今是戒應如是說若比丘所用鉢破滅
五綴更乞新鉢爲好故尼薩耆波逸提是鉢
應僧中捨此衆中最下鉢應與是比丘如是
教言汝比丘畜是鉢乃至破是事應爾所用
鉢者先所受用食鉢鉢者有三種上中下上
者受三鉢他飯一鉢他羹餘可食物半羹是
名上鉢下鉢者受一鉢他飯半鉢他羹餘可
食物半羹是名下鉢餘者名中鉢若大於大
若小於小不名爲鉢減五綴者四綴三綴二
綴一綴爲好者是比丘難滿難養不知足不
少欲故是鉢應比丘衆中捨者是鉢應盛滿
中水僧中行之應作是唱言諸長老集今欲
作滿水鉢諸比丘應即時各自持先所受用
鉢來集一處是時諸比丘不得更受餘鉢若
諸比丘於是時更受餘鉢者得突吉羅罪僧
和合已先應作行滿水鉢人羯磨一比丘應

僧中唱言諸長老誰能行是滿水鉢者若比丘言我能是比丘若成就五惡法不應令作行鉢人何等五惡隨愛行隨瞋行隨怖行隨癡行行不知行不若成就五善法者應令作行鉢人不隨愛瞋怖癡知行不行是比丘應令作行鉢人是中一比丘即時唱言大德僧

戒八二

聽某甲比丘能作行滿水鉢人若僧時到僧忍聽某比丘作行滿水鉢人如是白如是作白二羯磨僧今聽某比丘作行滿水鉢人竟僧忍默然故是事如是持若是比丘作行滿水鉢人應盛滿鉢水初應先至第一上座比丘所問言上座須是鉢不若上座言應須與

上座是人應取上座鉢行之次到第二上座所問言須是鉢不若言須應與又應取第二上座鉢次問第三上座問第三上座時若第一上座心悔還自索鉢者佛言不應與若上座強取應還奪教上座令作突吉羅悔過若是鉢第一上座不取者應次第行遍若是滿

水鉢都無人取者乃應還與彼比丘若有人取是鉢者應取是人鉢次遍行之若無取是鉢者乃以與彼比丘如是教言汝畜是鉢乃至破是鉢莫著地莫著石上莫著高處莫著屋漏處莫著土壙上不應持至大小便處不應持入浴室不應以雜砂牛屎洗若鉢濕不應便舉不應令太乾不應故打破不應用潔洗手面好守護莫以是破因緣故求覓妨廢坐禪讀經行道尼薩耆波夜提者是鉢應捨波夜提罪應悔過是中犯者若比丘鉢未破不應更乞新鉢若乞得者尼薩耆波夜提不得者突吉羅若比丘鉢破可一級若綴若未綴不應更乞若乞得者尼薩耆波夜提不得者突吉羅若比丘鉢破可兩綴三綴四綴若綴未綴不應更乞若乞得者尼薩耆波逸提不得者突吉羅若比丘鉢破可五綴若綴未綴更乞新鉢若得不得無犯事竟二十二

佛在王舍城爾時六羣比丘自乞縷持到富

貴人舍作是言 諸聚落主令織師爲我織衣
是諸貴人即語織師與是比丘織衣我與汝
價是織人依此貴人舍住敬畏故不能違逆
但織衣時瞋恚呵責言沙門釋子自言善好
有德依恃貴人使我虛作無食無價亦無福
德恩分是我等衰惱失利值遇是難滿難養

不少欲不知足人是中有比丘少欲知足行
頭陀聞是事心不喜向佛廣說佛以是事集
比丘僧知而故問六羣比丘汝實作是事不
答言實作世尊佛以種種因緣呵責六羣比
丘云何名比丘自乞縷使非親里織師織衣
種種因緣呵已語諸比丘以十利故與諸比
丘結戒從今是戒應如是說若比丘自行乞
縷使非親里織師織者尼薩耆波逸提自己
者或得五十波羅或得百波羅乃至一兩縷
者麻縷毛縷芻摩縷劫貝縷非親里者親里
名父母兄弟姊妹兒女乃至七世因緣除是
名非親里織師者若男女黃門二根尼薩耆

波逸提者是物應捨波夜提罪應悔過是中
犯者若比丘從親里乞縷若令親里織若自
織若令比丘比丘尼式叉摩尼沙彌沙彌尼
織是中從親里乞不犯令親里織亦不犯自
織得突吉羅令比丘比丘尼式叉摩尼沙彌
沙彌尼織皆突吉羅若比丘從親里乞縷令

非親里織若自織若令比丘比丘尼式叉摩
尼沙彌沙彌尼織是中從親里乞不犯令非
親里織師織尼薩耆波夜提若自織令比丘
比丘尼式叉摩尼沙彌沙彌尼織皆突吉羅
若比丘從親里乞縷令親里非親里織若自
織若令比丘比丘尼式叉摩尼沙彌沙彌尼
四 戒八

織是中從親里乞不犯令親里織亦不犯令
非親里織尼薩耆波逸提自織令比丘比丘
尼式叉摩尼沙彌沙彌尼織皆突吉羅若比
丘從非親里乞縷令非親里織若自織若令
比丘比丘尼式叉摩尼沙彌沙彌尼織是中
從非親里乞縷突吉羅令非親里織尼薩耆

波夜提自織令比丘比丘尼式叉摩尼沙彌
沙彌尼織皆突吉羅若比丘從非親里乞縷
今親里織若自織若令比丘比丘尼式叉摩
尼沙彌沙彌尼織是中從非親里乞縷突吉
羅令親里織無犯自織令比丘比丘尼式叉
摩尼沙彌沙彌尼織皆突吉羅若比丘從非

親里乞縷令親里非親里織若自織芳令比丘比丘尼式又摩尼沙彌沙彌尼織是中從非親里乞縷突吉羅今非親里織尼薩耆波夜提令親里織不犯自織今比丘比丘尼式

義摩尼沙彌沙彌尼織皆突吉羅若比丘從
親里非親里乞縷令親里非親里織若自織

若令比丘比丘尼織式叉摩尼沙彌沙彌尼
織是中從親里乞不犯從非親里乞突吉羅
令親里織不犯令非親里織尼薩耆波夜提
自織令比丘比丘尼式叉摩尼沙彌沙彌尼
織皆突吉羅若比丘從親里非親里乞縷令
親里織若自織若令比丘比丘尼式叉摩尼

沙彌沙彌尼織是中從親里乞不犯從非親
里乞突吉羅令親里織不犯自織令比丘比
丘尼式叉摩尼沙彌沙彌尼織皆突吉羅若
比丘從親里非親里乞縷令非親里織若自
織若令比丘比丘尼式叉摩尼沙彌沙彌尼
織是中從親里乞不犯從非親里乞突吉羅
令非親里織尼薩耆波夜提自織令比丘比
丘尼式叉摩尼沙彌沙彌尼織皆突吉羅不
犯者織一波梨若織禪帶耆帶若一杯兩杯
不犯事竟

佛在舍衛國爾時有一居士爲跋難陀釋子
故令織師織衣跋難陀聞是事徃語織師言
汝知不是衣爲我織汝好織廣織極好織淨
潔織我當少多利益汝若食若似食若食直
織師言大德我等學是者欲得利故若與我
少多利者當爲汝好織廣織極好織淨潔織
跋難陀言善時織師便爲好織廣織極好織
淨潔織多費經緯居士覺已語織師言何以

用經緯多織師答言我不減不偷織竟自共稱看令是衣好織廣織極好織淨潔織故多費經緯居士言誰約勒汝令如是織師言跋難陀釋子居士言但好織是居士先所辦縷更再三倍用乃得成衣與跋難陀釋子已瞋恚訶責諸沙門釋子自言善好有功德何以

太劇不知時不知量若施者不知量受者應知量我先所辦縷再三倍用乃得成衣此是我等衰惱失利何以供養是難滿難養不知厭足不少欲人是中有比丘少欲知足行頭陀聞是居士呵責心不喜向佛廣說佛以是事集比丘僧知而故問跋難陀汝實作是事不答言實作世尊佛以種種因緣呵責跋難陀云何名比丘非親里人作同意種種因緣呵已語諸比丘以十利故與諸比丘結戒從今是戒應如是說若爲比丘故非親里居士若居士婦使織師織衣是比丘先不請便往語織師言汝知不是衣爲我故織汝好織極

戒八

六

好織廣織淨潔織我當多少益汝是比丘若自語若使人語後時若與食若與食直爲好故尼薩耆波夜提爲比丘者爲跋難陀釋子故非親里者親里名父母兄弟姊妹男女乃至七世因緣除是名非親里居士居士婦者白衣男子名居士白衣女人名居士婦織師者男女黃門二根衣者白麻衣赤麻衣翹夷羅衣芻摩衣橋施耶衣欽婆羅衣劫貝衣先不請者是居士先不語有所須來取作同意者信是居士隨我所須不瞋語織師好織者使稍稍織廣織者使極廣織極好織者使好織淨潔者使好淨潔織與食若似食食者有五種謂飯麪魚肉似食者亦有五種謂糜食粟食麩麥食莠子食迦師食食直者可買食物尼薩耆波夜提者是衣應捨波夜提罪應悔過是中犯者若比丘往織師所言是衣爲我故織汝好織我當少利益汝尼薩耆波夜提若言廣織當少益汝尼薩耆波

夜提若言極好織當少多益汝尼薩耆波夜
提若言淨潔織當少多益汝尼薩耆波夜提
若言好織廣織當少多益汝尼薩耆波夜提
若言好織極好織若言好織淨潔織若言廣
織極好織若言廣織淨潔織若言極好織淨
潔織當少多益汝尼薩耆波夜提若言好

三

七

織廣織極好織若言好織廣織淨潔織若言
廣織極好織淨潔織當少多益汝皆尼薩者
波夜提若言好織廣織極好織淨潔織我當
多少益汝皆尼薩者波夜提又比丘徃語織
師汝知不是衣爲我織汝莫好織我或少多
益汝是比丘得尼薩者波夜提若比丘徃語
織師言是衣爲我織汝莫廣織或少多益汝
尼薩者波夜提若言莫極好織或少多益汝
尼薩者波夜提若言莫淨潔織或少多益汝
尼薩者波夜提若言莫好織莫廣織若言莫
好織莫極好織若言莫好織莫淨潔織若言
莫廣織莫極好織若言莫廣織莫淨潔織若

者波夜提若言莫好織莫廣織莫極好織若
言莫好織莫廣織莫淨潔織若言莫廣織莫
極好織莫淨潔織或少多益汝皆尼薩耆波
夜提若言莫好織莫廣織莫極好織莫淨潔
織或少多益汝皆尼薩耆波逸提又比丘往
語織師汝知不是衣爲我織汝好織我不益
汝是比丘得突吉羅若言廣織若言極好織
若言淨潔織不益汝皆突吉羅若言好織廣
織若言好織極好織若言好織淨潔織若言
廣織極好織若言廣織淨潔織若言極好織
淨潔織我不益汝皆突吉羅若言好織廣織
極好織若言好織廣織淨潔織若言廣織極
好織淨潔織不利益汝皆突吉羅若言好織
廣織極好織淨潔織我不利益汝皆突吉羅
若比丘往語織師言汝知不是衣爲我織汝
莫好織我或不益汝突吉羅若言莫廣織若
言莫極好織若言莫淨潔織我或不益汝皆

突吉羅若言莫好織莫廣織若言莫好織莫極好織若言莫好織莫淨潔織若言莫廣織莫極好織若言莫廣織莫淨潔織若言莫極好織莫廣織莫好織若言莫好織莫廣織莫極好織若言莫好織莫廣織莫淨潔織若言莫好織莫廣織莫極好織莫好織莫廣織莫淨潔織若言莫好織莫廣織

戒八

八

莫極好織莫淨潔織不利益汝皆突吉羅若

比丘自有物令織師織不犯

事竟二十一

佛在舍衛國爾時跋難陀釋子有共行弟子名達摩善好有德時跋難陀暫與割截衣著爾時佛自恣竟夏末月欲二月遊行他國跋難陀釋子聞佛夏末月欲二月遊行他國聞已語弟子達摩佛夏末月欲二月遊行他國今我共汝在佛前遊行他國我等當多得衣食諸卧具不闕達摩言不能去何以故我欲從佛遊行他國得數見佛數見大德比丘因他故得聞法跋難陀言汝不欲共我去耶答言不去跋難陀言不去者還我衣來弟子言

和尚衣已與我跋難陀言我不以他事故與汝與汝者爲我事故汝實不欲去耶答言實不欲去跋難陀即還奪取衣是弟子在祇陀林那門間立啼佛入祇陀槃那見達摩佛知而故問達摩汝何故啼耶即向佛廣說上事佛以是事集比丘僧知而故問跋難陀釋子汝實作是事不答言實作世尊佛以種種因緣呵責云何名比丘與他比丘衣後瞋恚嫌恨便還奪取種種訶已語諸比丘以十利故與諸比丘結戒從今是戒應如是說若比丘與他比丘衣後瞋恚嫌恨若自奪若使人奪還我衣來不與汝得是衣者尼薩耆波夜提

戒八

九

自奪者自身奪使人奪者令他人奪尼薩耆波夜提者是衣應捨波夜提罪應悔過是中犯者若比丘與他比丘衣後瞋恚嫌恨便奪若能奪得者尼薩耆波夜提若不能得者突吉羅使人奪得者尼薩耆波夜提不得者突吉羅自以力鬪諍奪得者尼薩耆波夜提不

得者突吉羅使他出力鬪諍奪得者尼薩耆
波逸提不得者突吉羅若欲所伏彼故暫奪
不犯事竟

二十
佛在舍衛國爾時長老毗訶比丘留僧伽梨
安陀林中著上下衣入城乞食後失僧伽梨
還覓不得向諸比丘說我留僧伽梨安陀林

中入城乞食後便失還覓不得我當云何諸
比丘以是事白佛佛以是事集比丘僧知而
故問毗訶汝寶留僧伽梨安陀林中著上下
衣入城乞食後失僧伽梨還覓不得向諸比
丘說諸長老我留僧伽梨安陀林中著上下
衣入城乞食後失僧伽梨還覓不得我當云
何耶答言實爾世尊佛種種因緣讚歎隨所
往處與衣鉢俱作如是言若比丘少欲知足
衣趣蔽形食趣活命隨所往處與衣鉢俱常
安樂住譬如鳥飛隨所往處毛髮共俱比丘
亦爾隨所往處與衣鉢俱常安樂住佛種種
因緣讚歎與衣鉢俱已語諸比丘以十利故

與諸比丘結戒從今是戒應如是說若比丘
三月過未至八月未滿歲若阿練兒比丘在
阿練兒處住有疑惑畏是比丘欲三衣中隨
以一一衣著界內家中此比丘有因緣出界
外離衣宿齋六夜過是宿者尼薩耆波夜提
未滿歲者後安居阿練兒處者去聚落五百
引於摩伽陀國一俱盧舍於北方國則半俱
盧舍有疑處者疑是中失物乃至失一水器
有畏者是中有怖畏乃至畏惡比丘若是比
丘欲三衣中隨以一一衣寄白衣舍者衣名
三衣若僧伽梨若繡多羅僧若安陀衛六夜
離衣不犯者若離僧伽梨若離繡多羅僧若

比丘

十

離安陀衛尼薩耆波夜提者是衣應捨波夜
提罪應當悔過是中犯者比丘第六夜應還
取衣若往衣所若受餘衣若比丘不取衣來
不往衣所不受餘衣若至第七日地了時尼
薩耆波夜提
三月過者謂夏有四月三月雖而後安居人日猶未滿故言

未滿八月也

二十六事竟

佛在舍衛國爾時舍衛賈客遊諸聚落爲市
利故道中見一僧坊閑靜遠離賈客入中見
此丘僧少問比丘言此中比丘以何故少比
丘答言染知不賈客言云何比丘言是處無
檀越供給衣食湯藥是故比丘僧少賈客言
我等欲修治是處供給衣食湯藥是諸賈客

即時留衣食湯藥直與已便去遊行餘處諸
比丘夏初月分是物去餘處安居是賈客得
利行還見是僧坊作是念此是我等所供養
處當入中看有幾人安居或有所乏衣食湯
藥當更供給即入已見比丘轉少問言此中
比丘何以轉少比丘言汝不知那是中無檀

越供養衣食湯藥是故減少賈客言我等先
所供給衣食湯藥直是物何去比丘答言是
夏初月諸比丘分是物去餘處安居賈客言
我等不爲分故與使餘處安居我爲住此處
故與令受供養是中有比丘少欲知足行頭
陀聞是事心不喜向佛廣說佛以是事集比

耽八

十一

丘僧佛以種種因緣呵責云何名比丘夏初
月分安居物佛爾時但呵責未結戒佛在舍
衛國爾時波斯匿王有闢將千人五百人作
一營皆著弊壞垢衣無色無德自房舍中無
好牀榻卧具諸闢將婦亦無好衣服環釤瓔
珞華鬘莊嚴身具正使得官供給廩食又不
充足是人喜飲食入客嗜酒鬪諍或時啼哭
或時戲笑跳躡大喚有達摩提那比丘尼近
是處住以是大音聲鬪亂故妨是比丘尼坐
禪讀經時達摩提那比丘尼往鬪將所問言
汝等夫何以著弊壞垢衣無色無德自房舍
中無好牀榻卧具汝等亦無好衣服環釤瓔
珞華鬘嚴身之具設使得官供給又不充足
汝夫喜食人客嗜酒喜鬪諍或啼哭或戲笑
或跳躡大喚妨我坐禪讀經汝何不遮答言
何能制之設使遮者先所得飲食之餘更不
復得善人若當訶者或能受用達摩提那比
丘尼聞語已去乞覓飲食時時請諸闢將中

大力勢者與食誘之知心柔軟能信受語即便語言諸聚落主汝等歸命佛歸命法歸命僧是信受語故即歸命佛法僧歸佛法僧故不復喜飲酒亦不喜延致酒客不喜鬪諍不復喜啼哭戲笑跳躡大喚自房舍中有好牀榻衣服卧具諸婦皆有好衣服環釧瓊珞華

鬘莊嚴身具官所給廩皆得充足以是因緣故諸闍將漸漸大富多饒金銀財寶奴婢人民種種成就波斯匿王以是富人圍遶故王有威德衆所敬仰爾時波斯匿王有小國反叛語諸闍將汝等往彼折伏便還是諸將中

有深敬佛者弓頭著漉水囊作是念若值水

有蟲者當漉飲之是中有不信佛法者生嫉妬心往到波斯匿王所言是某甲諸闍將弓頭著漉水囊作是念值有蟲水者當漉飲之是等詐王王言云何是等於水蟲有如是憐愍心何況於人王言喚來即往喚之王言汝等實以漉水囊繫著弓頭作是念值水有蟲

破是賊陣即時折伏王聞破賊心大歡喜爾時諸闍將破賊已還到王所長跪言大王常勝作是語已在王前立王即賞賜財物聚落田宅人民更倍供給爾時諸闍將富貴轉增多餘金銀財寶奴婢人民種種增益王以是人圍遶故威德轉勝衆倍敬仰諸闍將作是念我等富貴具足者皆因達摩提那比丘尼故我等何不請是比丘尼來是舍衛國三月夏安居是諸闍將到比丘尼所言大德到我舍衛國夏安居來比丘尼答言不能何以故答言隨佛安居處我等當往安居是中數得見佛數得見大德比丘因他故得聞法汝等

若欲令我是中安居者可先請佛此舍衛國
夏安居是闍將即往佛所頭面禮足在一而坐
佛見坐已以種種因緣說法示教利喜示教
利喜已默然是諸闍將聞佛說法種種示教
利喜已白佛言世尊受我等舍衛國夏安居
憐愍故佛默然受之諸闍將知佛默然受已

俄八

十三

頭面禮足右繞而去還到自舍各相約勑隨
力所辦若一日食二日食三日食如是次第
辦三月食爲衆僧作別房衣作家中衣夏安
居衣爾時餘十日在未至自恣波斯匿王復
有小國反叛即復遣先闍將往以前破賊是
故今復使汝等往是諸闍將聞已愁憂苦惱
乃爾先闍因緣殆死得脫今復往者或能失
命我等已請佛三月辦衣食湯藥我等若不
以布施者衆僧失布施我等失福德我等先
欲施物今布施何苦我等常令法施不絕僧
福田中恒作福德僧得施物我等得福即出
前許布施物多持衣襍入祇陀林已打捷椎

諸比丘言何以打耶闍將答言諸大德集我
以此衣布施衆僧諸比丘言佛不聽我等未
自恣夏月內分安居衣諸闍將言我等官人
屬他不得自在先闍因緣殆而得脫今往不
知云何或能失命衆僧集聚當受是衣物諸
比丘不知云何以是事白佛佛知故問阿難
自恣有幾日在阿難答言世尊有十日在佛
語阿難雖十日未至自恣恐失布施衣應受
佛及僧集坐一處諸闍將分諸衣與衆僧已
在佛前坐聽說法故佛見坐已說種種法示
教利喜示教利喜已默然是諸闍將聞佛說
法已頭面禮足右繞而去去不久佛以先因
緣及是事故集比丘僧佛以種種因緣讚戒
讚持戒讚戒讚持戒已語諸比丘以十利故
與諸比丘結戒從今是戒應如是說若比丘
十日未至自恣有急施衣應受比丘須是衣
者當自手取乃至衣時畜過是畜者尼薩耆
波夜提十日未至自恣者若知自恣有十日

在急施衣者若王施若夫人施若王子施若大臣大官聞將內官若女欲嫁時若病人若欲殺賊時如是等人施衣若知十日未至自恣應受衣時者若有住處不受迦織那衣夏末一月若受迦織那衣住處夏末一月及冬四月尼薩耆波夜提者是衣應捨波夜提罪

戒八十四

應悔過是中犯者若是處不受迦織那衣諸比丘夏末月末後日是衣應捨若作淨若受持若不捨不作淨不受持至冬月初月初日地是時尼薩耆波夜提若是住處受迦織那衣是諸比丘冬末後月末後日是衣應捨應作淨若受持若不捨不作淨不受持至春初月

初日地了時尼薩耆波夜提事竟

二十七

佛在王舍城爾時六羣比丘作是言佛聽我等畜雨浴衣便冬春一切時畜是中有比丘少欲知足行頭陀聞是事心不喜種種因緣呵責云何名比丘佛聽畜雨浴衣故便冬春一切時畜佛聽畜三衣雨浴衣乃是第四衣

是諸比丘種種呵已是事白佛佛以是事集比丘僧知而故問六羣比丘汝實作是事不答言實作世尊佛以種種因緣呵責云何名比丘我聽畜雨浴衣故便冬春一切時畜種種因緣呵已語諸比丘以十利故與諸比丘結戒從今是戒應如是說若比丘春殘一月

應求作雨浴衣半月應受持若比丘未至春殘一月求作過半月受持者尼薩耆波夜提是中云何求云何作云何持求者從他乞是衣作者若浣滌割截簪縫持者若是衣受用尼薩耆波夜提者是衣應捨波夜提罪應悔過是中犯者若比丘有閏月處求雨浴衣往

戒八十五

無閏月處安居是人從外求來作衣來皆突吉羅罪從受持來尼薩耆波夜提若有閏處比丘遣使往語無閏處比丘言諸大德小待共自恣若無閏處比丘受是語持者是無閏處比丘從求來作者皆突吉羅從受持來尼薩耆波夜提若比丘有閏處求雨浴衣有閏

處安居不犯

持竟夏前三月便捨之至無閏
有閏者謂此國晚熟謂閏春末月則閏月內
求之若求得者三月末便應受持不能得者
應停過十五日二十八事竟

佛在舍衛國爾時有一居士發心欲與佛及僧飲食復與僧衣時世饑儉乞求難得我財物少夏時已過心中憂愁苦急作是念我今當從僧中

請少多比丘與食便與衆僧衣令我不失福德以是因緣故食與汝等衣當與僧時六羣比丘聞衣名心動語居士言是衣何似持來示我居士言善即出表示之六羣比丘見衣

何痛惱苦急乃爾我本心欲與佛及僧飲食復與僧衣時世饑儉乞求難得我財物少夏時已過心中憂愁苦急不滿我願我今當從僧中少多請比丘與食與僧衣令我福德不空作是念已便入祇洹打捷椎有比丘問居士何因緣故打椎居士答言我欲從僧中請

倍生貪心語居士言汝意欲令是衣有用耶欲令舉置耶居士言所以施者欲令用之汝若欲令不用者當與僧何以故僧多有衣舉在一處朽壞蟲噉若令用者當與我等我等少衣得布施我等當用居士言汝等知與僧不用若汝等能用者便當相與居士與食食已持是衣與六羣比丘食已持是衣去入祇洹示諸比丘是衣何似細好不諸比丘言實好汝何從得六羣比丘廣說是事是中有比丘少欲知足行頭陀聞是事心不喜種種因緣呵責云何名比丘知物向僧自求向已種種因緣呵已向佛廣說佛以是事集比丘僧

職八

十六

知而故問六羣比丘汝實作是事不答言實作世尊佛以種種因緣呵責六羣比丘云何名比丘知物向僧自求向己佛以種種因緣呵已語諸比丘以十利故與諸比丘結戒從今是戒應如是說若比丘知物向僧自求向已尼薩耆波夜提知者若自知若從他聞若檀越語物者謂施僧物若衣鉢戶鉤漂灌時藥時分藥七日藥終身藥向僧者發心欲與僧未定與尼薩耆波夜提者是衣應捨波夜提罪應悔過是中犯者若比丘知是物向比丘僧自求向己尼薩耆波夜提若向三二一突吉羅若比丘尼知是物向比丘尼僧自求向已尼薩耆波夜提若向三二一突吉羅若

比丘皆突吉羅若比丘知是物向此一比丘求向餘一比丘突吉羅若知是物向一比丘求向比丘尼僧三比丘尼二比丘尼一比丘尼三式叉摩尼二式叉摩尼一式叉摩尼三沙彌二一沙彌三沙彌尼二一沙彌尼比丘僧三比丘二比丘一比丘皆突吉羅若比丘知物向此三比丘尼求向餘三比丘尼突吉羅若比丘知是物向三比丘尼求向二比丘吉羅若比丘知是物向三比丘尼求向二比丘一比丘比丘尼僧三比丘尼二比丘尼一比丘尼三式叉摩尼二式叉摩尼二式叉摩尼三沙彌二一沙彌三沙彌尼二一沙彌尼比丘僧三比丘二一比丘比丘尼僧皆突吉羅若比丘知是物向此二比丘尼求向餘二比丘

尼突吉羅若比丘知是物向二比丘尼求向
一比丘尼三式叉摩尼二式叉摩尼三沙
彌二一沙彌三沙彌尼二一沙彌尼比丘僧
三比丘二一比丘比丘尼僧三二一比丘尼
皆突吉羅若比丘知是物向此一比丘尼求
向餘一比丘尼突吉羅若比丘知是物向一

比丘尼求向三式叉摩尼二式叉摩尼一式
叉摩尼三沙彌二一沙彌三沙彌尼二一沙
彌尼比丘僧三比丘二一比丘比丘尼僧三
比丘尼二一比丘尼皆突吉羅若比丘知是
物向此三式叉摩尼求向餘三式叉摩尼突
吉羅若比丘知是物向三式叉摩尼求向二
式叉摩尼一式叉摩尼三沙彌二一沙彌三
沙彌尼二一沙彌尼比丘僧三比丘二一比
丘比丘尼僧三比丘尼二比丘尼一比丘尼
皆突吉羅若比丘知是物向此二式叉摩尼
求向餘二式叉摩尼突吉羅若比丘知是物
向二式叉摩尼求向一式叉摩尼三沙彌二

戒八

十六

一沙彌三沙彌尼二一沙彌尼比丘僧三比
丘二一比丘比丘尼僧三比丘尼二一比丘
尼三式叉摩尼皆突吉羅若比丘知是物向
此一式叉摩尼求向餘一式叉摩尼突吉羅
若知是物向一式叉摩尼求向三沙彌二一
沙彌三沙彌尼二一沙彌尼比丘僧三比丘
二一比丘比丘尼僧三比丘尼二一比丘尼
三式叉摩尼二式叉摩尼皆突吉羅若比丘
知是物向此三沙彌求向餘三沙彌突吉羅
若比丘知是物向三沙彌求向二沙彌一沙
彌三沙彌尼二一沙彌尼比丘僧三比丘二
一比丘比丘尼僧三比丘尼二一比丘尼三
式叉摩尼二一式叉摩尼皆突吉羅若比丘
知是物向此二沙彌求向餘二沙彌突吉羅
若比丘知是物向二沙彌求向一沙彌三沙
彌尼二一沙彌尼比丘僧三比丘二一比丘
比丘尼僧三比丘尼二一比丘尼三式叉摩
尼二一式叉摩尼三沙彌皆突吉羅若比丘

知是物向此一沙彌求向餘一沙彌突吉羅
若比丘知是物向此一沙彌求向三沙彌尼
二一沙彌尼比丘僧三比丘二一比丘比丘
尼僧三比丘尼二一比丘尼三式叉摩尼二
一式叉摩尼三沙彌二一沙彌皆突吉羅若比丘
比丘知是物向此三沙彌尼求向餘三沙彌

耽八十九

尼突吉羅若比丘知是物向此三沙彌尼求
向餘二沙彌尼一沙彌尼比丘僧三比丘二
一比丘比丘尼僧三比丘尼二一比丘尼三
式叉摩尼二一式叉摩尼三沙彌二一沙彌
皆突吉羅若比丘知是物向此二沙彌尼求
向餘二沙彌尼突吉羅若比丘知是物向二

沙彌尼求向一沙彌尼比丘僧三比丘二一
比丘比丘尼僧三比丘尼二一比丘尼三式
叉摩尼二一式叉摩尼三沙彌二一沙彌三
二一沙彌尼皆突吉羅若比丘知是物向此
一沙彌尼求向餘一沙彌尼突吉羅若比丘
知是物向一沙彌尼求向比丘僧三比丘二

一比丘比丘尼僧三比丘尼二一比丘尼三
式叉摩尼二一式叉摩尼三沙彌二一沙彌
三沙彌尼二一沙彌尼皆突吉羅若比丘知
是物向此多畜生求向餘多畜生突吉羅若
比丘知是物向多畜生求向二畜生一畜生
突吉羅若比丘知是物向此二畜生求向餘
二畜生突吉羅若比丘知是物向二畜生求
向一畜生多畜生突吉羅若比丘知是物向
此一畜生求向餘一畜生突吉羅若比丘知
是物向此一畜生求向多畜生二畜生突吉
羅若比丘知是物向比丘僧求向比丘尼僧
突吉羅若比丘知是物向比丘尼僧求向比
丘僧突吉羅若比丘僧破爲二部比丘知是
物向此一部求向餘一部突吉羅若比丘向
中生向想得尼薩耆波夜提若向中生不向
想亦尼薩耆波夜提若向中生疑尼薩耆波
夜提若不向中生向想得突吉羅若不向中
生疑得突吉羅若不向中生不向想不犯

竟九事

佛在舍衛國與大比丘僧安居爾時長老畢陵伽婆蹉王舍城安居多有知識大得酥油蜜石蜜是長老多得故滿鉢半鉢鉤鉢多羅半拘鉢多羅大乾差小乾差或絡囊盛懸象牙桿上從中取時翻棄汙壁卧具爛壞汙漫

賊八

二十

房舍房舍臭處是長老畢陵伽婆蹉弟子有殘不淨酥油蜜殘宿而食惡捉不受內宿諸佛在世法歲二時大會春末後月夏末後月春末月者諸方國土處處諸比丘來詣佛所作是念佛所說法我等當安居時修習得安樂住是初大會夏末月者諸比丘夏三月安

居竟作衣畢持衣鉢詣佛所作是念佛等久不見佛父不見世尊是第二大會

爾時有一比丘王舍城安居竟作衣畢持衣鉢遊行到舍衛國往詣佛所頭面禮足在一面立諸佛常法若客比丘來以如是語勞問諸比丘忍不足不安樂住不乞食不乏道路

不疲耶爾時佛以如是語勞問是一一比丘比丘答言世尊可忍足安樂住乞食不乏道路不疲以上事向佛廣說佛以是事集比丘僧種種因緣呵責我憐愍利益病比丘故聽服四種舍消藥酥油蜜石蜜云何是比丘殘宿而食惡捉不受內宿種種因緣呵已語諸

比丘以十利故與諸比丘結戒從今是戒應如是說若比丘病聽服四種舍消藥酥油蜜石蜜共宿至七日得服過是服者尼薩耆波夜提病者若風發熱發冷發服是四種藥可老者是名病不病者異是因緣名爲不病尼薩耆波夜提者是藥應捨波夜提罪應悔過

賊八

廿一

是中犯者若比丘一日得酥畜二日捨二日得畜三日捨三日得畜四日捨四日得畜五日捨五日得畜六日捨六日得畜七日捨七日得畜七日時比丘是酥應與人若作淨若衣服若比丘不與人不作淨不服至第八日地了時尼薩耆波夜提若比丘一日得酥二日

更得畜一捨一二日得酥三日更得畜一捨
一三日得酥四日更得畜一捨一四日得酥
五日更得畜一捨一五日得酥六日更得畜
一捨一六日得酥七日更得七日時比丘是
酥應與人若作淨若服若不與人不作淨不服
至第八日地了時尼薩耆波夜提若比丘

一日得酥畜二日更得畜後捨前二日得酥
三日更得畜後捨前三日得酥四日更得畜
後捨前四日得酥五日更得畜後捨前五日
得酥六日更得畜後捨前六日得酥七日更
得七日時比丘是酥應與人若作淨若服若
不與人不作淨不服至第八日地了時尼薩
耆波夜提若比丘一日得酥二日更得畜前
捨後二日得酥三日更得畜前捨後三日得
酥四日更得畜前捨後四日得酥五日更得
畜前捨後五日得酥六日更得畜前捨後六
日得酥七日更得七日時比丘是酥應與人
若作淨若服若不與人不作淨不服至八日

地了時尼薩耆波夜提若比丘一日得酥畜
二日不得三四五六七日不得七日時是酥
應與人若作淨若服若不與人不作淨不服
至八日地了時尼薩耆波夜提若比丘一日
得酥畜二日更得三四五六七日更得七日
時比丘是酥皆應與人若作淨若服若不與
人不作淨不服至八日地了時皆尼薩耆波
夜提若比丘有應捨酥未捨罪未悔過次續
未斷更得酥是後酥得尼薩耆波夜提本酥
因緣故又比丘應捨酥已捨罪已未悔過次
續未斷更得酥是後酥得尼薩耆波夜提本
酥因緣故又比丘應捨酥已捨罪已悔過次

人不作淨不服至八日地了時皆尼薩耆波
夜提若比丘有應捨酥未捨罪未悔過次續
未斷更得酥是後酥得尼薩耆波夜提本酥
因緣故又比丘應捨酥已捨罪已未悔過次
續未斷更得酥是後酥得尼薩耆波夜提本
酥因緣故又比丘應捨酥已捨罪已悔過次

續未斷更得酥是後酥得尼薩耆波夜提本
酥因緣故又比丘應捨酥已捨罪已悔過次
續已斷更得酥不犯油蜜石蜜亦如是若重
病不犯三十事竟

杼直反呂經緯下音謂綈直利反麩麵上尺小反
芳無反麥皮也糜食上正作糜密碑乾麥屑下反
猛或作麩鰐同也糜食栗之屬麩麥上俱
嘴音視蕎子云狗尾草俗匿王上尼穀食上悲品
捷椎正音澆水上音酉殆危音待衣禊下房福
含反音乾下直追反婆蹉下土無鐘鑿故以此代之衣禊祿食也
繖音翻西土此無此代之衣禊與禊同簪縫上反

十誦律卷第九

職九

姚秦三藏佛若多羅共三藏鳩摩羅什譯

第二誦之三

九十波逸提之初

佛在舍衛國時南天竺有論議師以銅鎔
鎔腹頭上然火來入舍衛國時人問曰汝何

乙 費刊

因緣爾答言我智慧多恐腹裂故汝頭上何
以著火欲照闇故語言癡婆羅門日照天下
何以言闇答言汝等不知闇有二種一者無
日月火燭二者愚癡無智慧明諸人言汝未
見訶喎釋子比丘故敢作是語若見共語者
日中則闇夜則日出時城內人民即喚訶喎

釋子比丘欲令共論時訶喎聞之心愁不得
已而來入城道中見二羝羊共鬪即因取相
作是念一羊是婆羅門一羊是我者鬪
則不如見已轉更愁憂前行又見二牛共鬪
復作是念一牛是婆羅門一牛是我者
即復不如又前行復見二人相撲作是念一

是婆羅門一是我是我者即復不如欲入論
處見一女人持滿瓶水水瓶即破復作是念
我見諸不吉相將無不如不得已便前入舍
見是論師婆羅門眼口相貌自知不如愁憂
更甚適坐須臾諸人便言可共論議答言我
今小不安隱須待明日作是語已便還宿處
至後夜時即向王舍城明日城中人集父待
不來知時已過自到祇洹推尋求之餘比丘
言訶喎釋子即後夜時持衣鉢去諸城內人
聞已種種呵責云何名比丘故妄語一人語
二人二人語三人如是展轉惡名流布滿舍
衛城是中有比丘少欲知足行頭陀著衣持